

悼印光大師文

王驤陸上師 著

《悼印光大师文》

王骧陆上师 著

2022 年 12 月排版



HOME OF THE HEART

以般若为宗 以总持为法 以净土为归

悼印光大师文

净宗十三祖印光大师，于庚辰冬示寂于灵岩山，天下悼之。从此净宗失所依怙，末法众生，何缘之愜也！师之密行不可测。昔居普陀时，每夜自课，无日不有山鼠千数，叠伏窗外，静听佛号，课罢乃去。徐蔚如姊婿告我如是，则其密行德化可知矣。余苦不文，未能表扬万一，当发愿广宏净业，此文亦聊以塞痛尔。

懿与光公，一代之宗。终南拔地，屹屹雄峰。

诞生圣者，灵秀所钟。通儒通佛，其犹神龙。

云起自陕，法雨徂东。六十年间，震聩发蒙。

伤此末世，冀挽颓风。躬行为法，戒德是崇。

时在沪上，共仰云坛。为请法益，幸得瞻韩。

同舟赴甬，相叙为欢。勸我精勤，启我禅观。

始识苦心，非守一经。为开方便，立此典型。

一句弥陀，以作心铭。岂乐小法，而分渭泾。

公之密行，非世所知。德化禽兽，灵异难思。
诲人不倦，最惠之施。巍巍功德，不让莲池。

呜呼人天，失此福田。谁为依怙，使我情牵。
灵岩在望，崩劣之巔。慈云常住，三千大千。

民国辛巳新春浙西王骧陆拜